

Vaksdal kommune
v/ ordfører Hege Eide Vik,
varaordfører Kjartan Haugsnes,
rådmann Atle Fasteland
Konsul Jebsensgate 16
5722 Dalekvam

Bruksrett til veg ved nedlagte Bergsdalen skule i samband med «sal» av skulen.

Fredag 02.10.2020 var eg og to av borna mine Erling og Åshild på møte hos rådmannen. Der me sa at me meinte me har vegrett til å komme oss til teigane vore, og eventuelt har hevda bruksrett. Me sa òg at me kunne inngå ein privatrettsleg avtale slik at det ikkje skulle vera noko tvil om at me hadde lov til å køyre til teigane våre slik me har gjort, men rådmannen meinte det ikkje var mogleg.

Torsdag 17.12.2020 var eg på møte med rådmann, varaordfører og ordfører. På møte fekk eg beskjed om at de no er einig med oss, om at det går an å inngå ein privatrettsleg avtale, men at de ikkje ynskjer å inngå ein slik avtale med oss. I tida i mellom desse to møta har det blant anna vore synfaring der me har sett på alternative vegløyningar. Skal eg bera kostnadane me desse vegløyningane er det ikkje økonomisk forsvarleg å drive den dyrka marka vidare. Landbruksdrifta klarar ikkje å ta så store ekstrakostnadar. Som nemnd tidlegare utgjer dette 1/3 av våre fulldyrka areal.

Rådmannen har ved fleire høve nemnd, at grunnen til at han ikkje ynskjer at me skal køyre til teigane våre, slik me har gjort, er fordi dei som skal ta over skuletomta skal kunne drive med eigedomsutvikling. Eg blir derfor skuffa over at de ned prioriterer aktivt landbruksdrift. Er det eit mål at det ikkje skal vera aktivt landbruksdrift rundt skuletomta?

Då arealet nord for skuleplassen vart dyrka opp i 1993, vart dyrkingsplanen laga av Alf Henning Haukeland, Landbrukskontoret i Vaksdal kommune. Under arbeidet med dyrkinga, fekk me problem med vatn som måtte drenerast til ein bekk som gjekk under skuleplassen. Då var Haukeland, Vaksdal kommune, Sigmund Lid frå Teknisk etat og vaktmeister på Bergsdalen skule Nils J. Lid og underteikna med på synfaringa. Me fann løysing på vassproblemet. Samstundes såg me på tilkomst til arealet. Då dette vart dyrka var einaste tilkomst over skuleplassen. Eg fekk løyve til å køyra over skuleplassen og har sidan gjort det.

På sørsida av skuleplassen går det ein veg opp i Nærmiljøanlegget (skileikeanlegget) som ligg aust for skulen på Gnr 77 og bnr 1. Dette vart bygd i perioden 2000 -2002. Her vart det dyrka 4,1 da, som eg haustar. Dette gjorde at anlegget kunne brukast også med lite snø.

Det dyrka arealet er også planlagt av Alf Henning Haukeland, Vaksdal kommune. I planlegginga av veg og anlegg (nærmiljøanlegget) var også Magnar Helland med, som då var rektor ved Bergsdalen skule. Nærmiljøanlegget har vore i bruk sidan 2001. Til nærmiljøanlegget fekk me tippemidlar og Vaksdal kommune stod som søkjar.

Eg tek dette med for å fortelja at min bruk tilkomst over «skuleplassen», har vore gjort etter avtale og i samarbeid med Vaksdal kommune. Skal de nekta meg den tilkomsten vidare må de vera villing til å ta kostnadane med ny tilkomst.

Eg har sagt ja til at me kan finne alternative løysingar. For at me skal finne ut kva kostnadane med desse vegane er, må den fyrst prosjekterast også stikkast. Dette er eit arbeid Vaksdal kommune har kompetanse på. Så dette ordnar de. Når det er gjennomført, kan både de og eg få pristilbod på vegen. Vegen må minimum byggast som traktorveg klasse 7, og i tillegg grusast.

Vårfloren

Eg vil og på nytt ta opp erstatninga eg ikkje har fått for vårfloren. Viser til brev dykk sendt 15/9-2020. Der har eg antyda kr 400.000 i erstatning for bygget. Dersom de meiner det er for dyrt, kan Vaksdal kommune setja opp eit tilsvarande bygg på tilvist plass.

Avtalen med Bergsdalenbygdelag

Eg har ved fleire anledningar spurd om å få tilsendt avtale de ynskjer å inngå med dei som skal overta skulen. Noko eg ikkje har fått. Spør difor igjen om eg kan få denne tilsendt?

Helsing

Helge Terje Fosse

G.nr. 77 b.nr. 1